

BOSNIA AND HERZEGOVINA
FEDERATION OF BOSNIA AND HERZEGOVINA
**HYDROMETEOROLOGICAL INSTITUTE OF FEDERATION
OF BOSNIA AND HERZEGOVINA**

Broj: 01-11-4-524-7/20
Sarajevo, 03.08.2020. godine

Na osnovu člana 69. stav (2) tačka d) i člana 70. stav (1) Zakona o javnim nabavkama Bosne i Hercegovine ("Službeni glasnik BiH", broj 39/14), i člana 60. stav 3. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), a po provedenom otvorenom postupku javne nabavke usluga - Održavanje hidrološkog informacionog sistema WISKI, proizvođača KISTERS AG, Njemačka, na preporuku Komisije za javne nabavke, direktor Federalnog hidrometeorološkog zavoda donosi

ODLUKU
o poništenju postupka nabavke

I.

Poništava se otvoreni postupak javne nabavke usluga - Održavanje hidrološkog informacionog sistema WISKI, proizvođača KISTERS AG, Njemačka, objavljen na portalu javnih nabavki, dana 29.06.2020. godine, Obavještenje broj 615-1-2-11-3-4/20, i u "Službenom glasniku BiH", broj 39/20 od 03.07.2020. godine, jer nijedna od primljenih ponuda nije prihvatljiva.

II.

Ova Odluka objavit će se na web stranici www.fhmzbih.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

III.

Uz ovu Odluku ponuđačima koji su učestvovali u postupku javne nabavke izvršit će se dostavljanje i Zapisnika o pregledu i ocjeni ponuda u skladu sa članom 71. stav (2) Zakona o javnim nabavkama.

IV.

Zadužuje se Sektor opštih poslova, da najkasnije u roku od 7 (sedam) dana od dana donošenja ove Odluke istu dostavi svim ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

V.

Ova Odluka stupa na snagu danom donošenja.

Obrazloženje

Otvoreni postupak javne nabavke usluga -Održavanje hidrološkog informacionog sistema WISKI, proizvođača KISTERS AG, Njemačka, pokrenut je Odlukom o pokretanju postupka, broj: 01-11-4-524/20 od 11.05.2020. godine, u skladu sa članom 18. stav (1) Zakona o javnim nabavkama BiH, Obavještenje o nabavci broj: 615-1-2-11-3-4/20 objavljeno dana 29.06.2020. godine na Portalu javnih nabavki, u Službenom glasniku BiH", broj 39/20 od 03.07.2020. godine sažetak obavještenja.

Procijenjena ukupna vrijednost nabavke, bez PDV-a u KM je 17.000,00 KM.

Tenderska dokumentacija objavljena istovremeno sa slanjem Obavještenja o nabavci u sistemu e-nabavke na Portalu javnih nabavki, a za koju je dodatno objavljen i tekst tenderske dokumentacije na engleskom jeziku, u skladu sa članom 12. Zakona, u kojem je sačuvana cjelovitost sadržaja informacija i isti je neslužbeni prevod na engleski jezik sačinjen isključivo u svrhu eventualnih potreba ponuđača čije je sjedište izvan BiH, sa ciljem da posluži kao pomoćno sredstvo pri izradi ponuda koje od strane ponuđača moraju biti dostavljene u svemu i na način propisan tenderskom dokumentacijom.

Prema Izvještaju o pružimanju tenderske dokumentacije od strane ponuđača u sistemu E-nabavke Tendersku dokumentaciju objavljenu na Portalu javnih nabavki, preuzela su 4 (četiri) ponuđača, i to: EKAPIJA DOO, BBS EUROPE, PROINTER ITSS DOO i KISTERS AG.

Komisija za javne nabavke, imenovana rješenjem direktora Zavoda broj: 01-11-4-524-1/20 od 12.05.2020. godine, blagovremeno je dostavila Zapisnik o pregledu i ocjeni pristiglih ponuda, broj: 01-11-4-524-6/20 od 29.07.2020. godine, sa preporukom za poništenje postupka javne nabavke.

U postupku analize Zapisnika utvrđeno da je Komisija blagovremeno i pravilno provela postupak predmetne nabavke, odnosno izvršila otvaranje, pregled i ocjenu pristiglih ponuda, o čemu je sačinila zapisnike, te konstatovala slijedeće:

- da je ukupan broj pristiglih ponuda 1 (jedna)- ponuda ponuđača KISTERS AG, GERMANY;
- da je blagovremeno zaprimljena 1 (jedna) ponuda;
- da nema neblagovremenih ponuda;
- da jedina pristigla ponuda ponuđača KISTERS AG, GERMANY, nije prihvatljiva i ne ispunjava formalno-pravne uslove za učešće i druge uslove propisane od strane ugovornog organa.

Prilog Zapisniku o pregledu i ocjeni pristiglih ponuda, broj: 01-11-4-524-6/20 od 29.07.2020. godine, je Zapisnik o otvaranju ponuda, broj: 01-11-4-525-5/20 od 22.07.2020. godine i Zapisnik o zaprimanju ponuda, broj: 01-11-4-525-4/19 od 22.07.2020. godine.

U Zapisniku o pregledu i ocjeni ponuda, broj: 01-11-4-524-6/20 od 29.07.2020. godine, Komisija je utvrdila da je pristigla ponuda nepotpuna, da nije pripremljena u skladu sa zahtjevima iz TD i na način propisan članom 57. stav (1) ZJN, te da nije čvrsto uvezana na način i u skladu sa zahtjevima iz tačke 16. tenderske dokumentacije, odnosno na način propisan članom 58. stav (2) ZJN, kako slijedi:

**(ANEKS 2) Obrazac za ponudu – usluge, (ANEKS 3) Obrazac za cijenu ponude-usluge, (ANEKS 6) Izjava o ispunjenosti uslova iz člana 50. tačke: e) (Tehnička i profesionalna sposobnost u postupku nabavke usluga) Zakona o javnim nabavkama ("Službeni glasnik BiH" broj 39/14) i (ANEKS 8) Nacrt ugovora, ponuđač nije popunio hemijskom olovkom na način zahtjevan tačkom 16. TD,*

**(ANEKS 5) Izjava o ispunjenosti uslova iz člana 45. stav (1) tačka od a) do d) Zakona o javnim nabavkama ("Službeni glasnik BiH Broj:39/14) i (ANEKS 7) Pismena izjava iz članka 52. Zakona o javnim nabavkama, - ponuđač nije popunio hemijskom olovkom i isti nije ovjeren na način kako je navedeno tačkom 16. TD, odnosno isti nije ovjeren od strane nadležnog organa (općina, notar i sl.),*

- Ponuđač nije dostavio, u skladu sa zahtjevom iz tačke 14. TD, Rješenje o registraciji ili Aktuelni izvod iz sudskog registra iz kojeg se vidi da ponuđač ima pravo da se bavi djelatnošću koja je predmet ove nabavke ponuđač, a koji je bio dužan dostaviti u originalu ili ovjereoju fotokopiji originala – jer je ponuđač u ponudi dostavio fotokopiju koja nije ovjerena kod nadležnog organa, -Izjavu ponuđača, zahtjevanu tačkom 16. podtačka 11. TD, da prihvata rok plaćanja od 30 dana nakon ispostavljenog računa za izvršenu uslugu - ponuđač u ponudi nije dostavio, a istu je naveo u "SADRŽAJU PONUDE (popisu dostavljenih dokumenata i Aneksa sa nazivom istih)", -Izjavu ponuđača, zahtjevanu tačkom 16. podtačka 12. TD, o period važenja ponude u trajanju od 90 dana, računajući od krajnjeg roka za dostavu ponuda, - ponuđač u ponudi nije dostavio, a istu je naveo u "SADRŽAJU PONUDE (popisu dostavljenih dokumenata i Aneksa sa nazivom istih)",


-Ponuda ponuđača nije uvezana u skladu sa zahtjevima iz tačke 16. TD, odnosno ponuđač je dostavio ponudu koja je u spiralnom uvezu a koja nije osigurana jemstvenikom čija su oba kraja trebala biti na prvoj ili posljednjoj stranici pričvršćena utisnutim žigom ili naljepnicom ovjerenom pečatom dobavljača, u svrhu izbjegavanja manipulisanja stranicama ponude kako je zahtjevano u TD.

U skladu sa naprijed navedenim, na osnovu ukupne ocjene ponuda, Komisija je ustanovila da dostavljena ponuda ponuđača KISTERS AG, GERMANY ne ispunjava zahtjeve po tenderskoj dokumentaciji, da ista nije u skladu sa odredbama ZJN i podzakonskim aktima, te da u skladu sa odredbama člana 68. ZJN nije prihvatljiva.

Komisija za javne nabavke predložila je direktoru Zavoda da u skladu sa članom 69. stav (2) tačka d) Zakona o javnim nabavkama BiH („Službeni glasnik BiH”, broj 39/14) donese odluku o poništenju otvorenog postupka javne nabavke usluga - Održavanje hidrološkog informacionog sistema WISKI, proizvođača KISTERS AG, Njemačka,

Na osnovu svega navedenog, a cijeneći odredbe člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, te cijeneći činjenicu da u postupku ocjene provedenog postupka nisu nađene nepravilnosti niti propusti u radu i da je Komisija u svemu pravilno postupila te preporuku za poništenje postupka dala u skladu sa Zakonom o javnim nabavkama, podzakonskim aktima i tenderskom dokumentacijom, direktor Federalnog hidrometeorološkog zavoda prihvatio je prijedlog Komisije i odlučio kao u dispozitivu odluke.

Pouka o pravnom lijeku: Protiv ove odluke dozvoljena je žalba u pisanoj formi u roku od deset (10) dana računajući od dana kada je ponuđač primio ovu odluku. Žalba se izjavljuje ugovornom organu - Federalnom hidrometeorološkom zavodu u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



Dostaviti:

- **KISTERS AG**
PASCALSTRASSE 8+10
52076 AACHEN; GERMANY
- IT Centru
- Sektoru opštih poslova
- a/a